



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Opera bona quare exiguntur, & quid impetrant, si gratia totum facit. tit.
157

urn:nbn:de:hbz:466:1-29452

tionis, sed CHRISTVS.

Tertiò, quòd speramus præmium bonorum opum, sicut dicit Paulus 1. ad Timot. 4. Bonum certamen certavi, reposita est mihi corona iustitiæ, &c. & Psalm. 118. Inclinaui cor meum &c. Matthæi 19. & 25. Ioannis 5. Qui bona fecerunt &c. Rom. 2. Redde vnique iuxta opera sua, Matt. 5. Merces vestra &c. Hæc omnia dicuntur propter promissionem factam operibus, & non propter dignitatem operum. Ipse Christus promittit præmium operibus, sed causa cur promittit, non est dignitas operum, sed gloriosa promissio sua. Ex sua promissione nobis debitor fit, non propter operis operati dignitatem: ipse dicit, merces erit copiosa, &c. Sic pro ieiunio, Elemosyna, oratione, & calice aquæ frigidæ, &c. Matt. 6. & 10. Christus promittit præmium.

Quartò, opera bona media sunt, per quæ nobis distribuit suam gratiam Christus, per quæ nos ducit in possessionem vitæ æternæ, Matthæi 25. Sine igitur medijs nemo particeps erit gratiæ Christi. Igitur sunt maximè necessaria bona opera, id est, obedientia legis, quam fides non abrogat, Roman. 3.

Christus & sua passio est precium & hostia, meritum & pecunia vel persolutio pro peccatis totius mundi: opera nostra, media sunt, quibus distributionem & participationem vnà cum fide acquirimus, appropiamus scilicet & retinemus, sine illis medijs nõ acquiratur participatio beneficij Christi.

*OPERA BONA QUARE EXI-
guntur, & quid impetrent, si gratia totum facit.*

TITLVS CLVII.

Primo

PRIMO, hoc immutabile manet, quod credimus nos gratia Domini nostri Iesu Christi saluari, Act. 15. Gal. 2. Nō abijcio gratiam Christi, si enim per legem iustitia, &c. & Ioannis 14. Nemo venit ad patrem, nisi per me. Est Christus causa & fundamentum nostræ salutis: in illo quiescit fides nostra. Exiguntur autē opera propter tria, ob obedientiæ Dei necessitatem, nam Deus præcepit illa iustificatis, cui necesse est obedire, Matthæi 5. Luceat lux vestra &c. ut videant opera vestra bona: Et Matthæi 19. Serua mandata, & tertio. Facite dignos fructus pœnitentiæ: nam si secundum carnem vixerimus, moriemur, Romanor. 8. 1. Corinthiorum 6. Galat. 5. Ephes. 5. qui talia faciunt, &cæter. Secundò, ob dignitatem operum, quæ vocantur sacrificia Dei, quæ nos Deo immolamus. Hebræ. 13. Talibus enim hostijs promeretur Deus. Sic crux, infirmitas, & opera cuiuscunque, secundum suam vocationem in omni statu sunt sacrificia. Item sunt signa, id est, Sacramenta diuinæ voluntatis, vt dùm ego condono offensam proximo, certus sim, quod iam mihi donauit Christus peccata mea, Matthæi 6. Si dimiseritis hominibus peccata eorum, &cæter. Et Matthæi 18. de seruo nequam, qui noluit condonare conseruo. Non meretur opus meum remissionem, sed Christus in me efficax est tunc, si ego dimiserō proximo. Tertio, ob præmium promissum operibus. Promisit Deus operibus ingentia præmia, vt in Decalogo, Deuter. 28. Leuit. 26. Exod. 20. Spiritualia & corporalia, vt est sanitas & prosperitas, augmentatio & conseruatio rerum temporalium, iuxta gradus laborum, 1. Corinth. 3. & 15. Differt stella à stella, propter has causas necessariò exiguntur opera.

Secundò, opera tria impetrant. Primò mitigationem pœnarum temporalium. Temporalium dico, sanguis

sanguis enim Christi ab æternis pœnis nos liberat. Sic mitigavit iram Dei Niniuitarum conuersio, Jo-
ne 3. vbi dicit textus: Et vidit Deus opera eorum &
misertus est eis; sic oratio Dauid, 2. Regum 24. placat
Deum in pestilentia: Sic eleemosyna regē Nabucho-
donosor, Dani. 4. sicut docuit eum Propheta: sic
Exod. 19. Leuit. 26. Deuter. 28. præceptorum obser-
uatio. Sic rex Ezechias prece ac fletibus impetravit

Acto 12.

Rom 15.

2. Cor. 1.

longiorem vitam: Sic rex Achab murauit sententi-
am de se latam de comestione carniū, 3. Regum, 23.
Oratio Hierosolymitana liberat Petrum, Et Petrus
optat aut sperat se adiutum iri oratione aliorū. Sed
hanc mitigationem non asseribimus dignitati ope-
rum, sed solum media sunt, per quæ Christus ex sua
misericordia & Deus propter eius effusum sanguinem
liberat, &c. Secundo, impetrat augmentationem bo-
norum temporalium & conseruationem, Deu. 28. Si
audiēris vocem Domini Dei tui, tunc omnes ille be-
nedictiones appræhendent te, &c. Sic non defecit ole-
cythus olei, 3. Reg. 17. & hydria farine, 4. Reg. 4. vbi
rum pascentium prophetas. Sic potens est Deus con-
nem gratiam abundare facere in vobis, &c.

2. Cor. 9.

Tertio, bona opera media sunt, quibus nos Deus
inducit & vocat ad possessionem vitæ æternæ, ad quæ
elegit nos ante constitutionē mundi, Matth. 25. Ven-
nite & possidete regnum patris mei, &cæ. Multa alia
bona spiritualia & corporalia, impetrant bona ope-
ra. Et non iniustus est Deus, vt obliuiscatur operis in
charitate suscepti, Heb. 6. Est autem operum promi-
sa merces tantum, non promerita effectiue. Opera
nostra ex propria dignitate nihil habent, sed solum
hoc, quod Deus grauita misericordia promittit &
donat. Nō sufficit dicere bis, Domine Domine, Mat.
7. Corde credo, ore confiteor. Sed oportet etiam adde-
re tertium, Domine, s. Facere verbum Dei. Ideo in-

Matth. 7.

quit Christus: Qui audit verbū meū, & facit, similis
est

viro, qui ædificat domum suam &c. Et Paulus Ro-
ma. 10. postquam dixit, Corde creditur ad iustitiam,
&c. inquit: Non omnes obediunt Euangelio, &c.

AN DEVS ETIAM REPUTET
*pro operibus bonis, quæ vel verbaliter aut
lateraliter non præcepit.*

TITVLVS CLVIII.

NOTAndum primò, quòd nullum opus
dari potest, quod non sit compræhen-
sum sub operibus præceptorum Deca-
logi: omnia enim illuc referri possunt,
et non literaliter exprimantur, siue sit
cantus, organum, fistula, peregrinationes, vestitus,
iunium, indulgentiæ, feriæ, delectus ciborum &c.
Hæc omnia ex fide & dilectione Christi, ad laudem &
gloriam sui nominis, non in finem iustificationis,
sunt. Nec incipimus ab illis operibus esse boni & iu-
sti, sed iam iustificati fide, illa facimus, & iustificatis
præcipitur vt decalogum seruent, corpus castigent &
offerant, Rom. 12. ieiunent, orent, Matthæi 6. Sub istis
nam operib. & cæremonijs præcepta Dei seruamus.
Præcepta sunt nucleus, hæc testa, Matt. 23. Hæc oportet
facere, & illa non omittere.

Secundò, Nullū opus placere Deo, nisi quòd Chri-
stus proprio ore vel scriptis præcepit, expressè falsum
est. Nam cibus, potus, vestitus Ioannis baptistæ, non
fuit præceptus illi, Matthæi 3. at nunquid displicuit
Deo? & eratne inane & frustraneum? Absit, alioqui
non fuisset commendatus à Christo, Matthæi 11. Sic
cibus Regis non fuit comestus à Daniele, cum omnis
creatura sanctificetur oratione & verbo, 1. Timoth. 4.
Nunquid frustra id fecit Daniel, aut cum displicen-
tia Dei? Absit, alioqui non dedisset ei Deus Spiritum
sapientiæ, nec liberasset à camino ignis & lacu leo-
rum, Daniel. 3. 6. & 14. Sic Iudith non manducat de
cibo Ho-

B B b